

中興禮書

中興禮書第二百八十八卷

凶禮五十三

濮安懿王園廟

紹興元年九月九日嗣濮王仲湜言見迎奉濮安懿王神主神貌於福州權行安奉緣本路近歲盜賊未平深慮不測衝突若不預行措置恐急難之時道路隔遠申呈不及欲望朝廷令仲湜如遇緩急許從便遷徙州縣權行安奉詔如遇緩急許從便遷徙

三年六月十二日知臨安府盧知原等言嗣濮王仲湜劉子契勸濮安懿王神主神貌今赴行在未有安奉去處奉聖旨令臨安府相度法惠寺相度得佛殿後法堂屋五間可充安奉詔可

七月二十五日太常寺言准新除判太宗正事嗣濮王
牒恭奉聖旨迎奉濮安懿王神主神親前赴行在續奉
朝旨令於樞密舊第擗截安奉今來已至衢州見行起
發所有到彼安奉禮儀牒寺契勘本寺今參酌到合行
禮儀事件下項 一合差威儀僧道各三十人於城外
迎引至安奉處訖退乞下臨安府差撥 一合用御封
降真香十合乞下入內內侍省請降 一奏告權安奉
合用祝文乞依例令本府教授修撰內祝版乞下臨安
府製造赴嗣濮王府送納 一合差奏告權安奉官乞
依禮制令嗣濮王行禮內奉禮郎太祝太官令亦乞本
府差宗子充攝 一合用權安奉日時乞候到行在下
太史局選定仍令差定時尅選官一員至日祇應 一

迎奉日合用綵結樓子并擡擎人及奉告權安奉神主
內奏告合用酒脯鹿醬奉安依例止用羊一割牲供設
所有神貌合用供養牙盤食茶酒果幣帛禮料蠟燭什
物拜席褥等並乞依例下臨安府排辦一合用祭器
並贊引祇應人乞下本府依例差排辦一權安奉日乞
令大宗正司告報應濮王下南班宗室依例趲赴陪位
立班詔依

八月二十二日禮部太常寺言准嗣濮王府閔契勘近
奉安濮安懿王神主神貌了畢今來合行仲饗請選日
排辦今參酌到四仲饗濮安懿王神主合行事件下項
一合用日辰乞令太史局選定一仲饗自來宰羊
豕各一用蓮豆各十行禮今來欲乞依見令祠祭禮例

止用酒脯鹿齏設蓮豆各一行禮 一依例合用御封

降真香一合乞令入內侍省付祠堂至日供燒祝文

一首令嗣濮王府教授修撰 一獻官一員乞令嗣濮

王行禮其奉禮郎太祝太官令各一員乞輪差濮王下

宗子充並前一日致齋上件官合服祭服乞下祇候庫

閣借事畢送納 一合用法酒二升白幣一段長一丈八尺

鹿脯一段重四兩鹿齏二合半祝版一片蠟燭三條各重

四兩上香炭火香爐匙合拈祭器席燎草燭臺拜席等乞

依例下臨安府排辦內祭器本寺排辦詔依

十一月十五日太常寺言權知臨安府梁汝嘉劄子今

躬親前去太宗正司點檢得修造嗣濮王位次並已了

當勘會嗣濮王見占府第已降指揮充奉使館舍近據

申列奉使日近到來奉聖旨限三日遷過今准嗣濮王
闕乞選告遷奉告奉安神主神貌日時本寺契勘所有
告遷日辰據太史局選用十一月十五日丙寅時宜用
其日丙時吉其奉安日時令本局別行選定及合用御
封降真香六合乞下入內侍省請降所有告遷奏告
奉安合行事件欲乞並依今年七月二十五日安奉體
例已降指揮施行詔依

五年二月十五日嗣濮王仲湜言契勘濮安懿王國廟
廟係在永安軍每遇四仲饗應干事件並係本軍依條
應副恭詣行禮昨被旨迎奉濮安懿王神主神貌至行
在於仲湜私第權行安奉太常寺排辦是致臣僚陳請
以宗廟在遠而濮園在邇人情未順有所未安遂申明

朝廷欲乞遷徙未施行間繼緣援據蒙朝廷指揮令迎奉神主神貌往穩便州軍今來已迎奉至紹興府未曾起發若復令迎奉前來依前有司排辦即未應禮例今欲乞且就本處權行奉安今紹興府量行排截每遇四仲饗仲湜依條恭詣致齋行事所有合用禮料乞依近例省簡不用牲牢令紹興府止排辦酒脯香幣燭燭祭器等差禮生祇應詔依

七年十月三日行宮大宗正司言勘會濮安懿王國廟合差園令官一員兼管轄保護神主軍兵日來係差歸吏部內侍官昨嗣濮王仲湜乞若差內侍官歲給不下二千緡恐州縣應副不足今後乞就差兒男權攝並不添破分文請給奉聖旨依見係仲湜男均州防禦使士

術權管上件職事今來士術持服見闕官主管竊緣事
體至重不可時暫闕官兼契勘仲偁將來合除授嗣濮
王本司欲乞依前項仲湜已得指揮候將來仲偁除授
了日依例差男一員權知濮安懿王園令緣仲偁男右
監門衛大將軍士周見在泉州今來仲偁見有親姪右
監門衛大將軍和州防禦使士參式見在紹興府乞先
次差士貳權攝候將來士周到日交割主管詔依
九年四月二十九日太常寺言准都省批下嗣濮王仲
偁劉子契勘近奉聖旨委紹興府踏逐穩便去處如法
僻處奉安濮安懿王神主神貌今承紹興府委官躬親
踏逐到廣孝寺法堂一所屋宇高大可以迎奉神主神
貌權行奉安所有告遷奉安禮例伏望行下太常寺條

畫申明降下本寺今參酌比附條具到昨行在告遷奉
安濮安懿王并夫人神主神貌共五位合行禮例告遷
日合用酒脯奉安日合用神酒禮料祭器幣帛蠟燭羊
一并牙盤食茶酒果等乞從本寺具數報紹興府排辦
供應所有行禮儀注乞從本寺修定闕報詔依

告遷奉安儀

前一日

其日早行事官嗣濮王奉禮郎太祝太官令香火官並
是權奉安處致齋

至日告遷

其日造遷時前俟排辦酒脯畢威儀僧道並於權奉安
處排立禮生先引陪位宗室詣階下北向立引奉禮郎

太祝太官令詣階下陪位官之前北向立次引嗣濮王
詣階下西向立香火官啟匱於後禮生曰拜在位官皆
再拜訖次引奉禮郎太祝升詣神位前東向立太官令
于酒尊所北向立定次引嗣濮王詣盥洗位北向搢笏
盥手悅手執笏升詣濮安懿王神主前搢笏跪上香再
上香三上香次引奉禮郎詣神位前西向搢笏跪奉幣
嗣濮王受幣奠幣執笏悅伏興奉禮郎執笏興嗣濮王
再拜訖降階復位少立次引太祝詣神位前東向立次
引嗣濮王詣盥洗位北向搢笏盥手悅手執笏詣爵洗
位搢笏洗爵拭爵以爵授執事者執笏升詣酒尊所西
向搢笏跪執爵太官令搢笏跪酌酒訖以爵授執事者
執笏興詣濮安懿王神主前搢笏跪執爵三祭酒于地

奠爵執笏俛伏興少立太祝搢笏跪讀祝文訖執笏興
嗣濮王再拜訖降階復位立香火官納神主於匱俟禮
生徹祝版幣帛詣望瘞位嗣濮王奉禮郎太祝太官令
詣望瘞位重行北向立定瘞訖權退歸次俟禮生於神
貌前排立辦酒果畢先引陪位宗室詣階下北向立引
太祝詣階下陪位官之前北向立次引嗣濮王詣階下
西向立禮生曰拜在位官皆再拜訖次引太祝升詣濮
安懿王神貌前東向立次引嗣濮王升詣濮安懿王神
貌前搢笏上香再上香三上香跪一爵茶三奠酒執笏
俛伏興少立太祝搢笏跪讀祝文讀訖執笏興嗣濮王
再拜訖次詣逐位行禮並如上儀訖退各降階復位立
俟禮生徹祝版詣望瘞位次引嗣濮王太祝詣望瘞位

重行北向立俟瘞訖權退歸幕次俟時告遷

奉安

其日香火官告遷濮安懿王并夫人神主神貌入腰輿
進行威儀僧道前引嗣濮王以下騎從至廣孝寺階下
威儀僧道排立捧濮安懿王神主神貌腰輿升堂側座
權安奉訖嗣濮王以下權退歸次俟時前禮生實設排
辦神酒禮料牙盤食茶酒果等畢禮生分引陪位宗室
詣階下北向立次引奉禮郎太祝太官令詣階下於陪
位官之前北向立時及香火官捧遷升正座次引嗣濮
王詣堂下西向立奉安訖次香火官啟匱于後禮生曰
拜在位官皆再拜訖次引奉禮郎太祝升詣神位之東
西向立次引嗣濮王詣盥洗

位北向搢笏盥手悅手執笏升詣濮安懿王神位前搢
 笏跪次引奉禮郎西向搢笏跪奉幣嗣濮王受幣奠幣
 執笏悅伏興奉禮郎執笏興嗣濮王再拜訖降階復位
 立次引太祝詣神位前東向立禮生引嗣濮王再詣盥
 洗位搢笏盥手悅手執笏詣爵洗位搢笏洗爵拭爵以
 爵執事者執笏興升詣酒尊所西向搢笏跪執爵太官
 令搢笏跪酌酒訖以爵授執事者執笏興詣濮安懿王
 神主前搢笏跪執爵三祭酒于地奠爵執笏悅伏興少
 立太祝搢笏跪讀祝文訖執笏興嗣濮王再拜訖降階
 復位立香火香納神主於匱訖禮生徹祝版幣帛詣望
 瘞位引嗣濮王奉禮郎太祝太官令詣望瘞位重行北
 向立俟瘞訖禮生先于神貌前排辦香火酒果等畢次

引陪位宗室詣堂下北向立班引太祝詣堂下陪位官
之前北向立次引嗣濮王西向立定禮生曰拜在位官
皆再拜訖引太祝升詣濮安懿王神貌前拈笏跪一酌
茶三奠酒執笏俛伏興少立太祝拈笏跪讀祝文訖執
笏興嗣濮王再拜次詣逐位行禮並如上儀訖降階復
位立俟禮生徹祝版詣望座位引嗣濮王太祝詣望座
位重行北向立俟瘞訖班退

十年六月二十一日太宗正司奏契勘濮安懿王主奉
官仲偁昨身薨後取到濮王位最長宗室係武經郎士
麟竊念濮安懿王功在社稷今來主奉祠事未見差人
承襲當此艱難尤不可闕官伏望特降睿旨早賜施行
詔令士儔權主奉祠事其承襲別聽指揮

十一年十一月十三日士儼言昨蒙聖恩差士儼主奉濮安懿王祠事士儼已嘗辭免今來既已罷黜所有主奉職事欲望數奏解罷庶得任便居住以安愚分詔就差士套權行主奉

十二年正月五日禮部言准都省批送下知大宗正事權主奉濮安懿王祠事士套狀據濮安懿王園廟申契勘園令官合差權主奉官下隨侍兒男權知昨係貴州團練使不恤今來本官見隨侍父前去本廟見闕官保護神主乞申明朝廷依先降指揮差隨侍兒男弟姪知濮安懿王園令等乞差士套親弟右監門衛大將軍士奇主管後批送禮部勘當申尚書省尋下太常寺勘當本寺申緣自來止是差隨侍兒男充上件職事即未有

似此許差親弟指揮今勘當若朝廷許差即無違礙更
合取自朝廷指揮詔依所乞

八月十二日權知大宗正事士街言準尚書省劄子奉
聖旨差權士套職事權知大宗正事令紹興府供職所
有將來濮安懿王祠堂未審合與不合前詣仲饗詔令
前去

十三年五月二十六日知大宗正事權主奉濮安懿王
祠事士套言竊惟濮安懿王粵自英祖神祖務隆崇奉
之禮逮我徽考尤極優厚故四仲則饗神主於永安軍
園廟忌辰節序追薦酌獻於睦親宅神貌祠堂薦生薦
熟各中禮前嗣濮王仲湜因百司從便自行在迎奉
神貌權於紹興府光孝寺法堂園廟內與神主一處奉

安自後仲饗追薦皆在一處兼仲饗獻官牲牢及應于禮料等間因多事一切簡畧方今講復舊制合具申明今相度欲將光孝寺法堂依舊權充因廟奉安神主外乞於法堂東西挾屋內選屋內選屋三間充祠堂奉安神貌仍乞令紹興府量行添修及乞下有司討論舊制仲饗三獻官并合用祭服及牲俎應于禮料等條具申明乞從朝廷詳酌行下詔依

七月九日禮部太常寺言准勅節文乞令有司討論舊制仲饗三獻官并合用祭服及牲俎應于禮料等條具申明朝廷詳酌行下今參酌四仲饗漢安懿王舊制討論到下項 一依舊制合差三獻官係嗣濮王充初獻本位兒男攝亞獻終獻今來除權主奉官充獻官外今

討論欲令知大宗正事權主奉濮安祠事士奎攝初獻
仍乞差士奎男二人攝亞獻如闕以本姪男充攝一
依舊制合用牲牢羊豕各一運豆各十實設禮料今來
止用牲牢羊一運豆各六欲乞添用豕一依舊制用運
豆各十其實設禮料各件從太常寺具數報紹興府排
辦一依舊制仲饗濮安懿王其祭服初獻合服八旒
冕亞獻終獻合服四旒冕奉禮郎太祝太官令合服無
旒冕乞依上件冕旒數目令工部行下文思院依見今
常祀祭服製造送濮安懿王祠堂充仲饗供使一四
仲饗行禮儀注乞從太常寺參酌舊制修立報紹興府
差禮生引揖并牒濮安懿王祠堂照會詔依

四仲饗儀

齋戒

前仲饗五日應行事執事官散齋三日治事如故宿於正寢不弔喪問疾作樂判書刑殺文書決罰罪人及與穢惡致齋二日內一日于本司無本司于園廟齋所內唯仲饗事得行其餘悉禁前一日質明並赴祠所所此官給酒饌仲饗官已齋而闕者通攝行事

省饌

前仲饗一日行事執事官集初獻齋所太祝習讀祝文及視幣次禮生引行事執事官詣省饌位三獻北向奉禮郎太祝太官令西向圉令東向揖訖乃還齋所未後一刻太官令帥宰人以鷩刀割牲祝史以盤取毛血置於饌所遂烹牲脯後有司帥其屬掃除圉廟內外

行事

仲饗日丑前五刻

行事春冬用丑時七刻夏秋用丑時一刻

太官令帥其屬

贊饌具畢餘官各服祭服次引行事執事官詣園廟門

外揖位三獻東向奉禮郎太祝太官令西向禮生贊揖

訖奉禮郎太祝太官令入就席位北向立次引三獻官

入就席位西向立引圉令奉神主于座以羅巾覆之畢

禮生贊拜在位者皆再拜次引奉禮郎太祝太官令俱

升各就位立定次引初獻詣盥洗位北向立揖笏盥手

悅手執笏升詣濮安懿王神位前北向立揖笏跪次引

奉禮郎揖笏西向執事者以幣授奉禮郎奉即禮奉幣

授初獻執笏興復位初獻受幣奠訖執笏俛伏興再拜

訖初獻降階復位次引太祝詣神位前東向立少頃引

初獻再詣盥洗位北向爵以爵授執事者執笏升詣酌尊所西向立執事者以爵授初獻初獻搢笏跪執爵執尊者舉冪太官令搢笏酌酒訖執笏興初獻以爵授執事者執笏興詣濮安懿王神位前北向立搢笏跪執事者以爵授亞獻亞獻搢笏跪執爵執尊者舉冪太官令酌酒訖執笏興亞獻以爵授執事者執笏興詣濮安懿王神位前北向立搢笏跪執事者以爵授亞獻亞獻執爵三祭酒奠

爵執笏俛伏興少退再拜訖降復位次引終獻行禮並如亞獻之儀降復位引園令奉神主入室訖引三獻以下詣望瘞位有司詣神主前取祝幣置于瘞坎俟有司焚瘞訖初獻以下就園廟門外揖位立定禮生贊禮畢揖訖退太官令帥其屬徹禮饌收徹訖退

九月十四日禮部言准都省批送下知大宗正事權主奉濮安懿王祠事士奈申契勘濮安懿王神貌昨權於紹興府光孝寺法堂園廟內與神主一處奉安近奉指揮於法堂扶屋內選屋三間充祠堂奉安神貌今選到法堂西扶屋三間修飾了畢欲乞下太常寺條具告遷奉安禮儀及下太史局選定告遷奉安日時以憑遵守後批送部看詳申尚書省尋下太常寺看詳本寺申參

酌下項

一告遷安奉其日安奉神貌時將至權主奉

濮安懿王祠事官并應濮王位南班宗室常服詣神貌
前再拜訖搢笏三上香執笏少立太祝讀祝文畢權主
奉濮安懿王祠事官再拜側身少立告遷後從赴光孝
寺法堂西祠堂少立俟時至安奉訖排辦香案酒果等
畢權主奉濮安懿王祠事官并應濮王位南班宗室詣
神貌前再拜訖搢笏三上香跪酌茶三奠酒執笏俛伏
興少立太祝讀祝文畢主奉祠事官再拜畢次詣望座
位俟焚瘞祝版訖退 一安奉日時乞令大宗正行司
報紹興府差陰陽官選定日時及至日定時祇應其合
用濕香二累各重四兩祝版二片并茶二錢酒四升時
果五壘乾菓六牒上香炭三斤燎草一束并贊引禮生

亦乞令本司報紹興府排辦內合差太祝一員乞令紹興府差文官有出身人充其合用祝文乞令大宗正行司請官修撰詔依

二十一年八月二十四日大宗正司言准尚書省劄子奉聖旨令大宗正司指定見今合差權主奉濮安懿王祠事職位姓名申尚書省取旨本司契勘自來襲封濮安懿王之後最長所有權主奉濮安懿王祠事依近例係差見任宗正官官長權主奉本司今指定昭信軍節度使知大宗正事士奎權主奉詔依

二十三年閏十二月二十一日禮部言准都省批下同知大宗正事權主奉濮安懿王祠事士街狀乞依昨權主奉濮安懿王祠事士奎體例差親弟士程充因令官

批送部勘當申尚書省尋行下大宗正司太常寺勘會
到下項 一大宗正司狀契勘園令官本司除無立定
條法差是何官外緣自來係主奉官陳乞申降指揮差
親弟或子姪充昨士套權主奉申請乞差親弟士奇權
知漢安懿王園令了當今來士街乞差親弟士程權知漢
安懿王園令即與昨士套差親弟士奇體例一同今勘
當若朝廷許差於本司即無違礙 一太常寺狀勘當
若朝廷許依紹興十二年指揮差主奉官親弟權知漢
安懿王園令于本寺即無違碍詔依

二十四年二月二十五日禮部言准都省批下同知大
宗正事權主奉漢安懿王祠事士街狀契勘漢安懿王
神主神貌依奉聖旨神主於紹興府報恩光孝寺法堂

內安奉神貌于法堂挾屋內安奉今來已及十五餘年
並不曾修葺今承紹興府差官前來計料所有神主神
貌今欲乞推行遷移于本寺方丈內安奉候修葺了日
依舊奉安托送部看詳申尚書省本部尋下太常寺看
詳欲依本官所申事理施行所有告遷權安奉并將來
修葺了日却行告遷奉安乞令本廟一面擇日並乞就
差園令官行燒香之禮詔依

二十六年二月二十三日嗣濮王士俊言濮安懿王祠
堂外無門牖內闕龕帳至於影像徒掛空壁而無供具
望下紹興府置造修奉詔依
月二十五日修葺堂廟屋宇例就光孝寺方丈構
奉安候了畢告遷正奉安差期濮王行燒香禮
十一月十日禮部言准都省批送下大宗正行司申為

仲冬見闕主奉官祭饗濮安懿王神主事批送禮部看詳申尚書省本部尋下太常寺看詳欲乞時暫就差定江軍承宣使同知大宗正事士錢權充仲饗及逐時節序酌獻祭饗行事候有主奉正官日依舊詔依

二十八年十一月二十七日嗣濮王士輅言臣恭惟陛下仰崇先志寅奉濮園顧臣衰晚濫襲王封敢不悉心嚴恭祠事臣今伏見濮安懿王祠堂昨因嗣濮王仲湜迎奉前去紹興府就報恩寺西挾屋權暫安奉逐時薦享委是隘窄今來本寺主奉位廳堂見今空閑欲乞特降指揮下本府量行修葺充祠堂安奉神貌所貴寬潔以稱嚴奉之意詔依

二十九年二月二日禮部奉旨准都省批送下嗣濮王

士輅申乞修葺祠堂懈帳供具器皿廉幕裯褥等及告遷權安奉去處并畢工告遷安奉及就差紹興府行司南班宗室眉州防禦使士程行禮等士送部勘當申尚書省尋下太常寺勘當欲並依本官所乞事理施行所有選日先次告遷權安奉并畢工選日告遷安奉應于合行禮例事件並乞令所差官士程一面關報紹興府依日來體例排辦燒香行禮其修葺懈帳供具器皿等事亦乞令紹興府檢計一就修葺詔依

五月三日禮部言准都省批下嗣濮王士輅申為每歲四仲月濮安懿王國廟祭饗聽差子姪充亞終獻官今來未有長成兒男雖有姪並各係出官之人欲乞差南班官充亞終獻官兼士輅或緩急所患乞牒南班官時

暫行禮批送部看詳申尚書省尋下大宗正司看詳取
到故商王宮濮王位狀檢准紹興重修大宗正司令四
饗月嗣濮王詣濮安懿王園廟祭饗聽差子姪充亞終
獻官本宮契勘行在南班官係日奉朝請兼不時差充
五饗三獻行事難以差撥外欲乞並就差紹興府南班
官充前項行事詔依

三十二年正月二十九日大宗正行司言契勘本司春
秋二仲承太常寺公文差撥南班宗室前去僉官薦獻
及濮安懿王四仲月差亞終獻行事并寒食十月朔朝
拜諸陵雖有見管南班宗室員數不多兼內有年老宿
疾假故不任差充之人委是輪差袒免親宗室如遇行
不行欲乞自今後如遇闕官行事許從本司通差袒免

親宗室如遇行事日通從本司一面先次權行差撥一次詔依

隆興元年三月七日嗣濮王士暢言竊見神主龕室屋宇自紹興二十六年內備奉聖旨下紹興府修造之後又涉八年木植朽爛兼供具寢帳茵褥簾幕之類日久不甚鮮潔欲望聖慈特降睿旨下紹興府修造祠宇重置供具茵褥簾幕之屬務在如法庶幾上副陛下崇奉之誠詔依

乾道四年三月十三日嗣濮王士暢言竊見濮安懿王祠堂在紹興府報恩光孝寺歲月已深木植爛窻戶損壞當時屋宇隘窄鋪設四位神座迫感其日器用茵褥簾幕之類並各破弊臣愚欲望聖慈特降睿旨令紹興

府依隆興元年修園廟聖旨指揮差官檢計支降官錢
修蓋置換施行詔依

七年四月一日嗣濮王士輅言准尚書省劉子奉聖旨
下紹興府修葺濮安懿王神主龕室屋宇簾幕供具等
合行告遷四位神主係于祠堂獻廳權行安奉并將來
修葺了畢却迎奉安合請降御封香八合乞下入內內
侍省速賜依例請降差官或差人押發前去紹興府濮
安懿王園廟至期行禮供燒詔依

自後修葺龕室宇
每降香並仿此

十一月六日嗣濮王士輅言伏都濮安懿王神主神貌
見在紹興府光孝寺奉安每年四季仲饗合差三獻官
行禮其亞終獻依格合差子姪充已前係紹興府行司
差南班官權充亞終獻官行事今來行司已併歸行在

宗司其紹興府并無南班官可差兼士輅係襲封初獻官蒙先降指揮如遇士輅忽患亦令差官權攝行事今年十一月合行饗見闕官行事欲望特降指揮每遇四仲饗月乞就差嗣濮王世子姪或紹興府見任寄居待闕宗室依長幼次序許士輅牒紹興府逐時權差行事庶得崇奉祖宗仲饗不致闕誤詔依

十二月十八日戶吏禮部言准都省批送下大宗司申奉聖旨紹興府大宗正行司可并歸行在大宗正司其見任并已差下官屬並依省罷法今具合行申明事件下項後批送戶禮部同所屬曹部勘當申尚書省數內一項權知濮安懿王園令士石一員緣國廟見在紹興府不可闕園令官欲乞令本官依舊本府居住經總制

錢內支破請給尋下太常寺勘當欲依本司所乞事理施行詔依

淳熙三年二月三日吏禮部言准都省批送下嗣濮王士輅申伏覩濮安懿王神主神貌依條合辟差園令官一員合壁差襲封嗣濮王位弟姪兒男先辟差武安軍承宣使士石今來本官差知南外宗正事見行起發其園令官係是崇奉祖宗不可時暫闕官今辟差姪武德郎添差權發遣兩浙東路兵馬都監明州駐劄不識委有心力可以倚仗欲乞差權知濮安懿王園令填士石關批差吏禮部勘當申尚書省本部會到大宗正司稱照得昨差士石權濮安懿王園令係朝廷降指揮依嗣濮王所乞今來乞差姪不識權知濮安懿王園令今勘

當伏乞朝廷指揮施行承後批照得嗣濮王申稱濮安懿王神主神貌依條合差園令官一員兼具到士街差親弟士程充園令官指揮內稱自來係主奉官依例陳乞申降指揮差親弟或子姪充今來所辟不識未委依得是何條法應與不應指揮送吏禮部指定申尚書省逐部除不見得本官依指揮內稱自來係主奉官依例陳乞別更有無親弟或子姪充合襲封辟差之人其不識委的見係是何服屬今指定乞朝廷劄下嗣濮王從實保明并契勘合差園令官條法申取朝廷指揮承嗣濮王士輅申准尚書省劄子指定保明辟差姪不識充園令官事契勘先差園令官自來係襲封官辟差今照得士儀亦曾辟差不字號男不恤充園令官了當今來

依紹興二十三年許差弟姪兒男先降指揮遂申明辟
差親兄士儼之子不該委係本位親姪其服屬即與先
差園令不恤事體依同即不係叔行起請其不該正係
濮王位不字號最長即無別差之人像是崇奉祖宗選
擇恭謹勤恪方可委用不可時暫闕官若蒙朝廷給降不
該付身應得先降指揮即無該般違碍本部欲照嗣濮
王保明指定事理申取朝廷指揮施行詔趙不該差權
知濮安懿王園令

八年二月七日大宗正司言據濮安懿王園廟申勘會
今年春季仲饗濮安懿王神主選用二月十八日乙未
吉數內合差三獻官差本位子姪充攝行事今來緣嗣
濮王士輅身薨未蒙襲封既仲享濮王分照近降指揮

係嗣濮王充初獻外其餘亞終獻官差本位子姪充攝
行事今來緣嗣濮王士暢身薨未蒙襲封既仲享日分
在近委是有碍行事本司契勘四仲月仲享濮王懿王
神主神貌自來並係嗣濮王一面差官行事今欲乞令
官一面于紹興府居住濮王位近屬外官宗室內權行
選差行事一次詔依

二月十二日嗣濮王士敞言今月十日恭奉聖恩除授
嗣濮王臣僚初除欲乞往紹興府濮安懿王園廟行燒
香之禮及恭詣昭慈聖獻皇后橫宮永祐陵朝拜欲望
聖慈特賜俞允詔依

淳熙五年三月二十五日詔忠訓郎不叅差權濮安
懿王園令

十年四月不叅再任十二年七月差承議四
郎不選十四年差右監門衛大將軍不違

月四日詔濮安懿王祠堂國廟自今實及三年令本堂

牒紹興府檢計修葺從祠濮王士稱請也

六年二月三日士稱言濮安懿王國令不艱已換文資

今選差武德郎新添差權發遣兩浙東路兵馬都監處

州駐劄不釐務不詳從之

七年五月三日詔承節郎王一夔差充濮安懿王神主

神貌祠堂主管兼園廟香火官從祠濮王士稱請也其後九年七月二十日詔

一夔位今任滿日特令再任

中興禮書第二百八十九卷

凶禮五十四

莊文太子

達和奏告

乾道三年七月八日尚書省劄子皇太子體候達和合
差宰執侍從祈禱天地宗廟社稷太一宮天慶觀報恩
光孝觀更不致齋於今月九日早各赴逐處行禮其御
封香祝文今日下修撰請降詔依臨安府載在祀典及
名山大川神祠差臨安知府在外今分委知縣

初薨舉哀

乾道三年七月九日詔皇太子薨合行典禮令禮部太
常寺討論申尚書省

十日禮部太常寺言今檢會南史齊武帝文惠皇太子薨有司奏御服期朝臣齊衰三月六宮不服從及檢會唐憲宗元和六年十二月憲昭太子薨命國子司業裴蔭議廢朝禮奏故事無皇太子薨禮請報視朝十三日蓋用期服易月之制也今參酌比附前項典故條具下項一皇帝為皇太子薨服期以日易月十三日而除六宮並不從服一發哀日於皇太子宫正廳之東設素幄其帷帳青素令皇帝服皂帕頭白羅衫黑銀帶絲鞋就幄發哀令文思院製造赴御藥院送納一文武百官發哀常服黑帶詣東宮發哀陪位立班係用行在職事官并見任陞官以上或服立班一據太史局選定發哀時宜用七月十日丁時一慶王恭王並係齊衰

不杖期十三日而除緣見在大行皇后服制之內所有
舉哀欲乞俟皇帝并百官舉哀退詣太子宫舉哀如家
人禮 一乞下諸寺院聲鐘三萬杵 一合奏告天地
宗廟社稷宮觀所有合排辦事件及差官等欲乞依自
來禮例差官排辦其奏告日辰下太史局選定 一乞
自舉哀釋服至日前後殿不視事詔依

同日詔皇太子薨差李卓主管勅葬宣黃門取銀五千
兩絹五千疋錢二萬貫充勅葬支費使用

同日主管勅葬所狀據太常寺贊引使臣申勘會今來
太子薨依禮例合用僧道各二十八人作三日見亡及
逐七相間開作水陸黃籙太會道場下主管事務照會
施行

十一日禮部太常寺言今來皇太子薨合行奏告天地
宗廟社稷天慶報觀恩寺孝觀太一官太史局選用七
月十三日行禮逐處合差奏告官乞差侍從內宗廟差
宗室差充詔依

小歛

乾道三年七月十一日太史局申寄棺小歛破服並用
七月十三日戌申時用乙時十三日乙時小歛太常寺
禮直官申皇太子遠遊冠朱明衣合行隨歛其究冕合
隨葬小歛時前本宮主管春坊官一員行祭告禮

大歛

乾道三年七月十二日禮部太常寺言今來皇太子薨
成服日時下太史局選定續准勅葬都大主管所牒已

降指揮用七月二十日乙時大飲立銘旌至丁時收髮
掛服大飲主管春坊官一員於時前行祭告禮

成服

乾道三年七月十日禮部太常寺言今來皇帝太子薨
合行典故令禮部太常寺討論申尚書省今參酌比附
典故條具下項 一皇帝成服日合服次麤布帕頭襴
衫腰經以麻 白羅鞋乞下文思院製造赴御藥院送納

一文武百官成服一日而除合服衰服除去冠上布帕頭

一皇太子妃及榮國公以下并本宮人並係斬衰三

年內皇太子妃并榮國公衰服下文思院製造送納其餘本宮人令臨安府製造並計會本宮送納 一

皇太子宮寮並服齊衰三月臨七日而除詔依

十一日太常寺言儀鸞司狀今月九日皇太子薨所有

本宮內應合用陳設即未審合用是何名色釘設乞朝廷下太常寺討論指定行下從本司計料合用物數報臨安府兩浙轉運司依數應副事畢拘收詔依太常寺討論指定皇太子宮內陳設合用白素

十二日禮部尚書周執羔等言今來皇太子薨慶王恭王並服齊衰十三日而除緣目今見在大行皇后服制之內謹按司馬光書儀若重喪未滿而遭輕喪則制輕喪之服而哭之既畢返重服今欲來乞依前項禮經所載其所服係次麤布幘頭襴衫腰經以麻皮乞下文思院製造合候十三日除畢却行大行皇后餘服詔依

同日禮部太常寺言今來皇太子薨皇帝成服舉行祭奠禮今參酌合排辦事件下項 一供養食茶酒果香

紫香爐匙合炭火湯瓶注椀盤盞茶盞托奠茶酒孟子
燎草并焚祝版燎草等燈火並乞從勅奠都大主管所
下諸司排辦 一合用青素御帳施簾乞於皇太子宮
正廳之東隨地之宜釘設并御座黃羅茵褥并奏請紫
褥並乞下儀鸞司排辦 一合用祝文一首

述以皇帝
為皇太子

成服訖行祭
奠禮之意

乞下學士院修撰 一合差讀祝文官一

員伏乞朝廷差官 一合用御封降真香 一合差侍香

并進茶酒捲簾舉祝版內侍並乞下入內侍省請降

及差官 一合差定時尅擇官一名乞下太史局就差

都大主管所尅擇官 一合差前導太常卿一員贊引

太常卿太常博士一員乞差本寺官 一成服日行事

陪位官常服吉帶入麗正門詣皇太子宫幕次俟時至

服衰服立班訖退換常服吉帶赴後殿門外易常服黑帶立班以俟進名奉慰訖退換吉帶出和寧門仍乞百司作休務假一日詔依

十六日禮部太常寺言今來皇帝為皇太子服期以日易月十三日而除近緣皇帝為大行皇后上僖依顯恭皇后故事自成服七日而釋今來皇帝為皇太子所服乞依大行皇后已行禮例自皇帝成服後止七日而釋其文武百官成服一日合服衰服除去冠止布帕頭今參酌既除去冠合用鹿布帶繫腰其幘頭後合用幪軟脚布帶二條所有百官合用布帶等候今降指揮下日令逐逐官各行製辦詔依

二十日禮部太常寺言今來皇帝成服七日而釋於典

故即不該載行釋服禮其釋服日更不行燒香之禮欲乞令入內侍省差官一員請^降皇帝所服衰服出內令太史局差尅擇官指引利方焚燒詔依

二十二日禮部太常寺言皇太子薨成服至今月二十六日釋服依禮例是日文武百官合詣後殿門外進香奉慰緣同日係宣祖皇帝忌辰即有相妨今欲乞至日免赴奉慰止赴行香詔依

二十三日閤門言來今皇太子薨皇帝成服七日至二十六日釋服其二十七日二十八日合係朝殿日分取進止詔自二十七日後殿坐

成服儀

其日時前禮直官太常博士太常卿先詣幄前立俟皇

帝自內服皂幘頭白羅衫黑銀帶絲鞋詣皇太子宮正

廳之東御幄即坐簾降俟時至禮直官太常博士引太

常卿幄前俛伏跪奏太常卿臣某言請皇帝為皇太子

薨成服奏訖伏興

太常卿太常博士禮直官並據通易服訖于幄前立

皇帝釋素

服服次篋布幘頭襴衫腰經

皮以麻

文武百官於皇太子

宮幕次同時易服訖御史臺閣門太常寺報引文武百

官入詣皇太子宮門內隨地之宜立班定禮直官先引

讀祝文官詣香案之西東向立俟皇帝服衰服訖閣門

報班齊在位官皆再拜訖簾捲禮直官太常博士太常

卿前導皇帝出幄詣香案前奏請上香再上香三上香

內侍進茶酒又奏請酌酒三奠酒奏請少立讀祝文官

東向跪讀祝文訖奏請皇帝舉哭在位前導歸幄次文

武百官退

擇地

乾道三年七月十二日禮部尚書周執羔等言今來皇太子薨所有將來殯葬去處伏乞朝廷敷奏取旨下勅葬所施行詔令勅葬所就安穆皇后櫬宮側近擇地十六日勅葬都大主管所言據尅擇官選定將來勅葬祭土破地吉日時刻宜用七月二十四日己未時宜用丁時詔依

十八日給事中王曦劄子奏臣被旨差護皇太子喪事竊聞已定議以南山淨慈寺為殯所採之外議謂有不河者四淨慈見充報恩光孝寺為徽宗皇帝追福之所不可復取以為他用一也淨慈對街即是惠照齋宮以

祀天地百神不應相對以為葬域二也安穆安恭二后
同用修吉一寺地勢幽閑寺宇甚小今淨慈為南山之
冠高明顯敞據南北山往來之衝神道貴靜恐非安所
而與二后事體為不相稱三也淨慈處聚數百既為殯
所則將來嚴其兆域差吏卒護守佛像僧徒皆當徙去
揆之人情未為甚安四也似閒踏逐時尚有二二寺院
伏望聖慈亟詔有司改營一安靜去處庶得允當詔依
先是十二日越州官廳到南
山淨慈寺法堂委是利方故有是請
十九日勅葬都大主管所言已定南山淨慈寺為殯所
續降指揮改營安處據越州官別行踏逐到安穆皇后
橫宮一帶寶林院法堂屋三間中三間堪充皇太子橫
所去處其兩邊有士庶墳穴合行移去其橫所委是利

方詔依

同日勅葬所奏將來皇太子出殯已選定寶林院法堂
充橫所安葬所有合用權子并椅卓影帳供器等及擬
截門戶安卓窓隔未審於甚處修製詔令修內司製造

奉謚用寶

乾道三年七月十八日詔故皇太子薨賜可謚莊文
同日禮部太常寺言今來皇太子薨賜謚莊文所有撰
冊文官等今參酌討論條具下項 一中書令奉冊寶
詣皇太子靈柩前行禮乞差宰臣讀冊文官一員讀寶
官一員乞差執政侍從舉冊官二員舉寶官二員乞差
禮部太常寺官如闕差卿監郎官 一所有合修製謚
冊寶及沿冊寶法物欲乞下工部令文思院比附昨皇

太子受用寶法式製造於行禮前一日計會勅葬所官

進皇畢降付本所官收掌以俟至日行禮 一依皇太

太子受用寶禮例合用修製謚寶欲乞以莊文太子之

賢六字為文係奉用中一合用御封降真香一合乞入

內內侍省請降 一行禮日欲乞用威服立班官陪位

並常服黑帶所有供養食茶酒果器皿等乞下主管諸

排辦 一所有謚用寶欲乞俟行禮畢付葬所收奉詔

依宋會要同日臣僚使皇太子依宋會要同日臣僚使皇太子

之獲是位相仍因宜殺禮然考之國史如仁宗朝張王

樂莊恪太子樂莊恪太子

義起以上義起以上

官為上官為上

情文或至不足從之情文或至不足從之

同日又言今來皇太子薨已承指揮賜諡莊文合差撰
 謚用文官一員乞差執政侍從官篆寶文官一員乞就
 差書謚用文官詔撰謚用文官差參知政事蔣希書謚
 用文官兼篆寶文官同知樞密院事兼權參知政事陳
 俊卿宋會要同日詔尚書右僕射魏杞中樞書令奉謚
 推參知政事改復卿書謚希書謚用文官同知樞密院事兼
 祐諡用權吏部侍郎李益諡讀贊禮部員外郎汪大猷舉寶
 常諡用永舉用宗正少卿胡沂部侍郎曾懷書哀用權
 又詔中書舍人洪邁撰哀用禮部員外郎
 兵部侍郎周穉讀哀用禮部員外郎
 胡元質太常博士程宏遠舉哀用
 二十一日禮部太常寺言今續次條具下項 一閏七
 月二日皇太子出葬其謚用寶并哀用乞令文思院計
 會勅葬所將諡用寶於七月三十日進呈畢除出付勅
 葬所收管內哀用不進呈於閏七月一日並令本所交

付禮部職掌於故皇太子幕次安設伺候以俟行禮所
有謚冊寶并哀冊於出葬日令禮部職掌等援衛至葬
所交割 一閏七月一日奉謚冊寶於皇太子靈柩前
欲乞前二日奏告天地宗廟社稷宮觀其奏告官乞從
太常寺具窠目申中書省差官其餘合排辦事件乞依
自來奏告禮例排辦 一所有合差捧冊寶職掌并擡
擎援衛整擎沿冊寶法物等親事官輦宮文武官衛仗
司并合用臘燭一行祇應人各有舍著衣服頭帽勅號
等欲乞并就用大行皇后哀謚冊寶下已差到人數祇
應所有哀謚冊寶若遇夜合行明燭點照欲乞下皇城
司並都大主管所照會 一奉謚冊寶於靈柩前行禮
畢合稱莊文太子詔依

二十三日禮部太常寺言七月二十九日為閏七月一日奉皇太子謚冊寶上於靈樞前依禮例前二日奏告天地宗廟社稷天慶觀太一宮所有逐處奏告官乞差侍從官內宗廟差南班宗室詔依

二十八日禮部太常寺言今來奉皇太子謚冊寶及出葬今續次參酌條具下項 一奉謚冊寶中書令已下行事官欲乞依禮例前一日各宿齋於本司 一奉謚冊寶行禮日欲乞百司作休務假 一閏七月一日係安恭皇后祔廟前遇朔日皇帝不視事文武百僚於後殿門外進名奉慰及是日奉皇太子謚冊寶行禮畢立班官亦合赴後殿門外進名奉慰今來同日兩次奉慰委是相妨今欲乞俟奉皇太子謚冊寶行禮畢文武百

僚詣後殿門外進名奉慰詔依

宋會要開七月一日遣

郭某奏

元氣之於人猶水之於木也木無水則枯人無氣則死故先王受天而有天下之命正邪必彰于若
而志之文此皇太子終天與生之龍制末易曰宜頌
神授之文此皇太子終天與生之龍制末易曰宜頌
美史可度矣施于體皆仁義之自問然于外封于中
其家可知矣施于體皆仁義之自問然于外封于中
回作室之車弗登于父道自問然于外封于中
傳受于其子其子其子其子其子其子其子其子其子
奕奕之思之萬其延百福之申拜而親之仁李問于天下忽
後王恩之萬其延百福之申拜而親之仁李問于天下忽
華而文之萬其延百福之申拜而親之仁李問于天下忽
中書門下平章事兼樞密使臣等奉大守尚書右僕射同
實錄院兼判國用使事臣等奉大守尚書右僕射同
食實封一千一百戶賜金帛以旌其功臣等奉大守尚書右僕射同
惟爾時與此我實以莊文太子之寶為父
我鴻寧鳴呼哀哉實以莊文太子之寶為父

奉謚用寶儀

前一日

其日上謚用寶中書令讀用寶官舉用寶官太常寺等處祇應人職掌等並宿齋於本司

閏七月一日奉謚用寶日

其日有司自勅葬所交割用寶詣東宮幕次中書令讀用寶官舉用寶官並元成服官並常服吉帶守麗正門入詣幕次換黑帶俟以立班次有司捧用寶出次中書令已下步從至東宮廳下稍西東向褥位權置定用北竇南中書令已下權退歸幕次俟有司排辦香火等畢備御史臺閣門太常寺分引元成服立班官詣東宮廳下隨地之宜立定次禮直官引讀用寶官詣用寶案

之後禱位東向立次引舉用寶官於讀用寶官之後立
次引中書令詣廳下西向立禮直官揖中書令躬拜在
位官皆再拜訖次引中書令升廳詣皇太子香案前拈
笏上香再上香三上香跪一爵茶三奠酒執笏俛伏興
再拜訖降階復位少立次再引中書令詣廳下北向禱
位俛伏跪稱中書令某言奉詔奉皇太子謚用寶伏興
退復位次引舉用官詣用案拈笏跪舉用匣興凡舉用寶官禮
初舉職掌先捧用案升詣廳上香案前置於禱位北
向次舉用官舉用官舉用行次引中書令拈笏捧用升
廳至禱位北向跪奠用匣於案上中書令執笏興少退
稍西禱位東向立次舉用官執笏興少立次引讀用官
升廳詣用案之後北向立舉用官拈笏跪舉用次讀用

官搢笏跪讀用訖執笏興降階復位立舉用官奠用於
匣次舉用匣興職掌先捧用案於廳上稍東褥位置定
舉用官舉用匣跪置於案上舉用官執笏興降復位初
讀用官讀用畢先引中書令降復位西向立次引舉寶
官搢笏跪舉寶盃興職掌先捧寶案升詣廳上香案前
置於褥位北向次舉寶官舉行次引中書令搢笏捧寶
升廳至褥位北向跪奠寶盃於案上中書令執笏興少
退稍西褥位東向立次舉寶官執笏興少立次引讀寶
官升廳詣寶案後北向立舉寶官搢笏跪舉寶次讀寶
官搢笏跪讀寶訖執笏興降階復位立奉寶官奠寶於
盃次舉寶盃興職掌先捧寶案於廳上稍東褥位置定
舉寶官舉寶盃跪置於案上舉寶官執笏興降復位次

引中書舍降復位西向立禮直官贊中書舍躬拜在位

官審再拜訖並退

及如值兩或當漢立班官并同資

歸幕

次易雷帝詣後殿門外立班進名奉慰訖退

護葬

乾道三年七月十六日禮部太常寺言檢准國朝會要

歲平七年命知制誥錢惟演入內都知秦翰護曹王偁

喪事天禧二年命龍圖閣侍御元李虛已入內副知張

繼能護徐王元偁葬事慶曆四年命有今來皇太子薨

欲乞依前項典故差官護喪詔差給事中兼直學士院

王職都大主管官李綽護皇太子喪事

宋會要禮部元

天禧元中徐王元偁薨差官護喪藝制上言故有是命

中興禮書第二百九十卷

凶禮五十五

莊文太子

出殯

乾道三年七月十四日詔將來皇太子出殯其朝廷并諸官司及三衙並免排辦路祭

十六日勅葬都大主管所狀禮部尚書周執羔等言今來皇太子薨其成服等典故除已討論申請外將來殯葬靈柩所出經由門戶於典故別無稽考欲乞下太史局同主管勅葬所尅擇官選擇所出門戶合利於是何方隅詔依所尋據太史局申依經書照望得本府正南大門之東丙位開城別置門戶所出係是利方乞劄下

臨安府周修內司去拆修砌並下皇城司照會施行詔

錄

同司奏言擬尅擇官選定將來皇太子出殯興靈下事
吉日時刻宜用閏七月二日丁卯興靈時宜用其日癸
時下事宜用其日丁時隨時掩壙詔依

十九日禮部太常寺言今參^酌比附討論條具下項 一
出殯日欲乞皇帝詣皇太子靈柩前行燒香之禮易忌
日之服黑鞋屨帶 一合用哀用一副及沿用物件欲
乞市工部令文思院比附昨皇太子受用法式製造於
出殯前一日送勅葬所收掌以俟行禮 一合差讀哀
用官一員乞於侍從內差官舉用官二員乞差禮部太
常寺官 一合用御封降真香一合乞令入內內侍省

請降 一乞用親王宗室本宮官常服黑帶倍依詔依
同日又言皇太皇太子薨出葬合差撰哀冊文官一員
乞于學士院并中書後省差官書哀冊文官一員乞於
侍從內差官詔撰哀冊文官差中書舍人兼直學士院
撰謚書哀冊文官戶部侍郎曾懷

同日又言今來皇太子薨都門合排贈祭之禮緣已降
指揮將來皇太子出殯日用哀冊俟皇帝行禮畢進行
所有都門贈祭即不合排辦詔依

二十一日禮部太常寺言今續次條具下項 一出殯
前一日於故皇太子宮正廳上之東合設青素帳屏黃
羅相襍奏請紫褥及宮之內外設親王南班宗室官僚
合用幕欠乞令儀鸞司釘設 一出殯日欲乞早二刻

麗正門開并經由門戶仍乞用成服立班官於城外奉
辭皇太子靈柩服常服黑帶其儀範從太常寺修定闕
報辭乞易吉帶入麗正門赴後殿門外進名奉慰所有
嘉會門外各用幕次拜席褥香案香爐匙合炭火什物
等並乞下臨安府同儀鸞司排辦一謚用寶并哀用
及沿用法物俟行禮畢於靈柩前陳列一皇帝行燒
香禮讀哀冊合差執燭侍香捲簾進茶酒等侍內乞下
入內侍省差詔依

同日又言檢照唐實錄元和六年惠昭太子薨東宮文
武官等釋衰服後藏其服至葬日却服葬畢而除今來
故皇太子出殯係閏七月二日其宮僚依近降指揮已
該釋服今欲依元和典故令本宮官藏服至葬日却服

護喪至葬所葬畢而除詔依

同日又言勘會皇太子薨已行討論差官護葬賜議并修製謚冊寶及出殯日差官讀哀冊皇上行燒香之禮及百官於門外辭送等外其出葬之日緣鹵簿未曾修備今來合用鼓吹欲比附大行皇后發引人數三分減一其合用鼓吹導引一曲并挽詞一十首並乞令本宮定修撰各降付所屬教習其鼓吹見今教習大行皇后詞典今來乞就用上件鼓吹併行教習更不支破食錢乞^先期護葬所量行支給犒設一次詔依^{專引詞典挽詞并具于後}二十二日禮部太常寺言勘會閏七月二日故皇太子出殯掩壙畢於典故別無該載差官行禮今參酌比附禮例欲候掩壙畢差禮官一員用酒脯行祭饗之禮其

合用祝史差官等從太常寺照應禮例報學士院等處
排辦詔依

二十七日勅葬都大主管所狀勘會閏七月二日出葬
皇太子下需用其日丁時如不及用辛時俟下事畢其
本府一行官屬祇應入等合經由入錢湖門至新開皇
城門歸府并內中內人還內經由入和寧門北宮門并
內東門委是日晚欲乞特賜敷奏下所屬權留合入門
戶候物人等入門訖即行錄閉詔依

二十八日禮部太常寺言閏七月二日故皇太子殯用
其日癸時興靈是日皇帝質明詣東宮行燒香之禮既
以興靈即難以伺候質明今欲乞於出殯前夕皇帝詣
東宮燒香如宮中之禮至日興靈訖欲乞命宰臣一員

詣皇太子靈柩前行燒香之禮及俟讀哀冊畢靈柩進
行仍乞於興靈時前一刻開東宮相對新開門放令行
事官等入出其儀範令太常寺修定詔依

同日又言勘會閏七月二日出葬掩壙行禮日用親王
南班宗室本宮官僚陪位訖從故皇太子靈柩至墓所
辭訖退今契勘陪位官內有開府儀同三司居廣係差
充安恭皇后攢宮總覈使於是日午時前安恭皇后攢
宮總覈使行祭告禮所有從故皇太子靈柩至墓所一
節即有相妨欲乞令本官至日陪位訖止赴嘉會門外
辭訖退以俟行祭告禮詔依

同日又言出殯日靈柩進行其親王南班宗室並赴陪
位立班訖騎從靈柩至墓所俟掩壙畢辭訖退

內親王
見未釋

服合服事服宗室服已詔依

同日又言興靈訖宰臣詣靈柩前行燒香禮畢文武百
僚詣後殿門外奉慰又緣同日安恭皇后啟橫俟皇帝
行禮畢文武百僚亦合詣後殿門外奉慰今來同日兩
次奉慰委是繁數今欲乞是日俟皇太子興靈出門文
武百官於城外奉辭畢次安恭皇后啟橫還殿皇帝行
禮畢文武百僚詣後殿門外一就進名奉慰詔依

閏七月一日禮部太常寺言莊文太子出殯今隨宜參
酌合行祭饗次數下項 一靈柩將到葬所乞令禮官
以酒脯行迎神禮 一乞俟掩壙前令禮官以酒脯於
靈柩前行祭告禮 一掩壙畢令已差行饗禮官以酒
脯行告禮 一掩壙既畢神帛回歸本府令禮官以酒

脯行告禮 一欲乞俟請神靈上神位版訖令禮官以
牲牢行祭禮 一欲乞奉神位版設於奠堂上令禮官
以酒脯行權安奉禮 一次日令禮官以牲行安奉禮
畢其神位版令奠所供養 一所有行禮等官乞就用
已差下虞祭官充並乞于今月初二日五更赴奠所以
俟行禮所有祝文欲乞令太常寺申學士院修撰
合用牲牢酒脯及應合排辦事件等令太常寺報安臨
府排辦詔依

導引鼓吹詞

黃鍾羽

秋月冷秋鶴無聲清禁曉動皇情玉筍忽斷今何在不知誰報
玉樓成七星授轡驂龍種人不見恨難平何以

返覓旌纓天風露若淒清

挽詞十章

國有元儲重人歸上嗣賢愆和纔十日遺恨忽千年玉
彩空成帙金聲會永傳從今鷄戟曉無復早朝天

右一

鼎盛春秋際離明日月垂見龍端有異跨鳳果何之月
冷神疑在雲空天亦悲春闌掩蘭菊忍習洞簫詩

右二

天性根仁孝生知絕吝驕禮隆賓與傳歡動舜承堯舊
學猶能頌英魂不可招應留千載恨心係寢門朝

右三

夙稟淵冲德天成玉裕姿九齡無復夢七發欲何施敬

想音容接難成羽翼隨郊原秋尚淺笳鼓自淒悲

右四

授書驚夙敏聽語記溫慈幻海方重淵前星忽告移空
成想華萼不復望蘭猗愧匪鴻儒手操觚屬誅辭

右五

火色奚難壽黃麾忽上賓望思元不恨娛侍卒無因摘
句篇尤富揮毫墨尚新雲旂參葆鐸爭忍送車塵

右六

覽勝餘陳跡承華鎖舊門薤歌成北里祕器出東園福
祀虛度祝空園需異恩直疑身可贖淚盡欲何言

右七

岐嶷寧勤傳寬仁獨好儒猶能誇五勝那後進雙符禁

錦空秋清燈耿夜鳬長安日非遠英爽會來無

張昇

右八

元圃詩仍落東宮事忍觀兩昏銅輦濕風斷玉笙寒宵
吳嗟難問宸慈慨永嘆幽圯緬郊郭都邑倍辛酸

右九

初笑中闈奉胡寧決日間端居深愴慕仙馭極推攀莫
助黃離照空持玉契還畫堂生畫寂神已在瑤山

右十

哀冊文

維乾道三年歲次丁亥七月丙申朔九日甲辰莊文太
子薨於東宮粵以閏七月丁卯出厝於南山之寶林寺
禮也羽衛宵嚴駢曉列些鼓聲淒行蕭響噎皇帝痛前

星之掎曜撫少海之驚濤睇秋原兮迄遐慟天淚兮聞
干玉質儼以如金聲鏘兮未寒爰飭儒士揚徽筆端
其詞曰維天相民端本敷治有開君師必立儲貳書稱
元良易載主器儀乾比宗拱極成位宅心人神踵武宅
饋古今共循家國攸寄於穆世哲挺生聖時月角霞綸
淵庭玉紐一索得震重明作離孝敬為質溫文合規四
端擴充三善具宜考禮部劭樂右書左詩有華清宮昭
受英策驚旂焜耀龍衮舄奕玉帶排方金與盥飭鷄鳴
問寢燕食侍側容無胖態步有常則天人應真冠冕動
色春秋鼎盛福祿方將雲物啟祲星祆告祥為鬼為蜮
在膏在育號藥改驗秦醫罷方清秋正新白月未央天
不可信神殲我良嗚呼哀哉烟岫移雲濤江瀉練歸然

覽勝之閣好在承華之殿至尊痛撤思長子以如疑太
上慈憐望太孫而不見嗚呼哀哉丹鳥司閉洞庭始波
凍雨淒清西風蕩摩鴈嘯嘯兮飲翻葉械械兮辭柯感
節物之遷逝念平生之歎歌來不來兮遽如許去復去
兮將奈何嗚呼哀哉山川假靈龜筮協吉威容肅以沛
災輔衛森其削戍穿臯門以南下遡廣陌西出哀飈慘
切亂白草以低迷行道悲涼眇平原之蕭瑟嗚呼哀哉
城闕益遠茹蕭漸希下顏賜之靡靡送丹旆之飛忽光
沉而響絕空物在而人非邈終天兮不返疑有日兮來
歸嗚呼哀哉

宰臣行燒香儀

前一日儀鸞司設宰臣讀哀冊陪位等舉哀冊陪位等

官待班幕次於新開門之外及皇太子宫之内外又設
宰臣一員褥位於廳下之東西向讀哀冊官一員褥位
於廳下在西東向舉用官二員褥位於讀哀冊官之後
陪位親王宗室東宮官僚褥位在南北向又設哀冊於
香案前之西東向其日行事官等俟興靈訖五更初赴
幕次俟排辦香火等畢備俟報班陪位親王南班宗室
東宮官詣廳下北向立定內親王本宮官僚服常服黑帶俟禮
直官揖躬拜在位官皆再拜訖讀冊舉用官升廳詣冊
案之西東向立俟宰臣詣香案前指笏三上香跪奠茶
三奠酒訖執笏悅伏興少立舉哀冊官各指笏跪舉哀
冊讀哀冊官指笏跪讀哀冊訖各執笏興宰臣再拜訖
降階復位立俟禮直官揖拜在位官皆再拜訖班退出

城外奉辭訖退

內合赴其所
者從至其所

奉辭靈柩儀

其日絕早角成服立班官常服吉帶守嘉會門出赴幕
次換黑帶俟皇太子靈柩將至有司設香案定御史臺
閣門太常寺集官立定禮直官引左僕射已下立定俟
靈柩至禮直官贊躬拜在位官皆再拜訖次引左僕射
詣香案前播笏上香再上香三上香復位左僕射舉哭
在位官皆舉哭俟哭止禮直官贊躬拜在位官皆再拜
訖立定俟靈柩過並退易吉帶入麗正門至後殿門幕
次易黑帶用成服日奉慰立班官進名奉慰訖退

虞祭

乾道三年七月二十三日禮部太常寺言故皇太子出

頒畢典禮按唐惠昭太子典故合行虞祭今條具下項

一接壇畢行虞祭禮檢照政和五禮新儀三品以上

七虞即不該載行卒哭祭之禮今欲乞依禮創施行

一俟虞主回差官行安神之禮一虞祭并行安神禮

合差行禮官一員乞於禮官內差奉禮郎太祝太官令

各一員依例輪太常寺官各宿於本司至日起赴行事

一合用虞主檢照禮例虞主用桑長一尺方四寸上

頂圓徑一寸八分四兩各刻一寸一分又上下四方通

孔徑九分其匱底蓋俱方底自下而上蓋上而下與底

齊其趺方一尺厚三寸今欲依禮例令工部下文思院

修製一合用夫匱一腰輿一汲水鐵絡桶一金矮香

案一紫羅衣白羅拭巾一青羅巾一各長行障一紫羅

視籍虞主紫羅褥子一浴斛一跌座一直几一衣子油

絹帽一單匱紅羅夾帕一令工部下文思院修製俟修

製畢付勅葬所交納 一虞祭共合用牲牢羊豕各七

并安神禮等禮料蠟燭等並令臨安府排辦 一虞祭

合用祝文七首並述以行七安神禮合用祝文一首以述

虞主回本宮安奉訖以酒脯行安禮之意乞下學士院修撰 一合用白幣

令段令戶部下左藏庫支供 一合用御封降真香八

合乞下入內侍省請降 一浴虞主合用檀祝菱節

香末各半兩并柴五十斤乞令臨安府排辦 一虞祭

合用香爐匙合上香木炭燈燭燎草並乞令主管諸司

排辦內燎草乞令主管諸司一面報皇城司照會放入

一虞主於本宮行禮合用幕次倚卓一副搭席等乞

令臨安府儀鸞司排辦 一浴虞主并請神靈上虞主并捧遷官一員并合差捧腰與官四員及幹辦照管官一員並乞差本宮春坊以下充 一參酌比附禮例欲乞掩壙前浴虞主官先浴虞主訖俟掩壙畢請神靈上虞主訖行第一虞祭畢捧升腰與同赴本宮先以酒脯行安神禮畢以次行虞祭禮 一所有虞主回本宮合用捧擎腰與輦官并儀物等並乞就用本宮常日儀物輦官等詔依

二十八日禮部太常寺言故皇太子行虞祭禮畢所有虞主於典禮別無稽攷安奉去處今參酌欲乞俟行虞祭畢用本府常日儀物輦官等捧擎虞主至墓所令本府所差請神靈上虞主官請神靈上神位牌訖其虞主

欲乞於墓所同謚用寶哀用一處收奉詔依

同日又言出墓掩壙日行虞祭之禮今續次條具事件
下項 一掩壙畢次日迎奉虞主回本府行虞祭禮所
有經由道路今據太史局尅擇官申自墓所出寶林寺
門依經書照望得頭東帶南行至錢湖門係是利方次
入錢湖門取萬松嶺路行至都亭驛向南迤邐行入元
開門至本府即興國音別無妨礙 一掩壙畢行虞祭
至初七日七虞禮畢所有本府前新開門欲乞令皇城
司行下所屬自閏七月初三日開門放令虞祭行禮官
並祇應人人出經由至初七日虞祭禮畢迎奉虞主赴
墓所方行築塞詔依

同日又言閏七月二日皇太子掩壙時宜用其日丁時

如赴辦不及亦宜用其日辛時所有掩壙畢行第一虞祭訖切慮日晚難以迎奉虞主回赴故皇太子府行安神及虞祭之禮今欲乞俟掩壙畢行第一虞祭禮畢初三日早就橫所行第二虞祭畢迎奉虞主回本府行安神禮次行第三虞祭初四日第四虞祭初五日第五虞祭初六日第六虞祭初七日第七虞祭詔依

掩壙畢立虞主儀

其日俟掩壙行饗禮畢次浴虞主官浴虞主訖以羅巾拭訖捧遷虞主官捧虞主於橫堂穴上升座訖次請神靈上虞主官詣橫所俛伏跪稱某官言請莊文太子神靈上虞主稱訖俛伏興捧遷官俟請神靈畢以匱蓋之訖退

行虞祭儀

其日俟有司排設牲牢禮饌訖行事官各服常服黑帶
贊者引奉禮郎太祝太官令詣橫堂下立禮直官引行
禮官詣堂下立定次捧遷官啟匱以羅巾覆訖禮直官
贊躬拜行禮官拜在位官皆再拜訖奉禮郎以下升就
位立引禮官詣盥洗位搯笏盥手悅手執笏詣爵洗位
搯笏洗爵拭爵執笏升詣酒樽所搯笏跪執爵俟太官
令酌酒訖執笏興引行禮官詣虞主前執笏跪上香再
上香三上香受幣奠幣執爵三祭酒奠爵執笏俛伏興
請少立俟太祝讀祝文訖請再拜訖降階復位立禮直
官贊躬拜行禮官拜在位官皆再拜訖次引捧遷官以
匱蓋之訖引行禮官以下詣望瘞位俟焚瘞祝幣訖班

退

以後歲祭佳此

小祥大祥禫祭

乾道四年四月三日莊文太子府都監李昌甫狀據太常寺贊引使臣申契勘乾道三年七月九日莊文太子薨合至乾道四年七月九日小祥五月七月九日大祥除神帛禫服兩月至當年十月一日從吉本府雖據申到未審將來大小祥有無合行典禮伏望朝廷下有司施行割付禮部同太常寺討論申尚書省今討論大小祥合行事件 一欲乞皇帝前後殿特不視事一日一欲乞是日先命侍從官一員常服入麗正門赴莊文太尉宮幕次俟排辦香火等畢備詣莊文太子神座香案前行奠醑禮用見今本宮官僚常服陪位立班 一

欲乞俟所命侍從官奠醑畢是日慶王恭王常服入麗
正門赴莊文太子宫幕次俟排辦香火等畢備詣莊文
太子神座香案奠醑行禮畢次莊文太子妃并榮國前
公以行下家人禮 一奠醑行禮合用供養食案茶酒
果蠟燭等令臨安府排辦 一檢照喪葬令節文詣三
年之喪十三月小祥除首經二十五日大祥除衰裳去
經杖所有莊文太子妃并榮國公將來遇莊文太子大
小祥日欲乞依上件條令施行 一將來莊文太子大
祥日莊文太子妃并榮國公以及本宮人候行禮畢其
除神帛訖並除去衰服服禪服兩月至當年十月一日
從吉服其神帛於大祥日合行焚燒并莊文太子妃榮
國公以下及本宮人衰服亦合焚燒乞下太史局差剋

擇官於本宮指引利方焚燒 一禪祭依禮例係二十
五月大祥後間月擇日禪祭所有將來莊文太子禪祭
合至乾道五年九月內擇日禪祭莊文太子妃并榮國
公行家人禮詔依

七月二日禮部太常寺言已降指揮莊文太子大小祥
日先命侍從官一員行奠醑禮令再行參酌欲乞差執
政一員行奠醑禮仍合用祝文一首述以祥道官行集醑
禮之乞下學士院修撰及差官一員充太祝行禮乞差

太常寺官詔依先是差中書舍人梁克家行奠醑禮
古契勒莊文太子祥祭之禮
司那已隨時參酌撰成儀注
朝廷禮文足以昭示無窮
是改差執政官行奠醑禮

五年六月十九日禮部太常寺言將來七月九日莊文

太子大祥依昨乾道四年七月一日指揮差執政一員

行奠醑禮合用祝文一首

送官以爲此文太子大祥之意

乞下

學士院修撰及差官一員充太祝

太常寺依此

詔依

小祥大祥禪祭儀

其日合赴奠醑行禮陪位官並常服守麗正門入赴莊
文太子宫幕次排辦香火等畢俟報班先引太祝詣
本官廳下北向立次引本官陪位官僚詣廳下於太祝
之後北向立次引參政詣廳下西向立禮直官揖躬拜
在位官皆再拜訖次引太祝升廳詣莊文太子神座香
案前東向立禮直官引參政升廳詣莊文太子神座香
案前北向揖笏上香再上香三上香跪一奠茶三奠酒
執笏俛伏興少立俟太祝揖笏跪讀祝文訖執笏興參

政再拜訖俱降復位立禮直官揖躬拜在位官皆再拜
訖班退次引慶王恭王行奠醑禮如上儀

本宮官僚不皆位及不

文時祝